



ANG

Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Ispesyal nga Isyu  
Hunyo 19, 2010  
[www.philippinerevolution.net](http://www.philippinerevolution.net)

# Mga halambalanon subong kag ginaatubang angut sa rehimeng Aquino


*Interbyu kay Prof. Jose Maria Sison,  
Tagapundar nga Tagapangulo sang Partido  
Komunista sang Pilipinas kag  
Puno nga Konsultant Pangpulitika  
sang National Democratic Front*

**Ang Bayan (AB):** Pwede mo bala malaragway sang malip-ot ang nangin kondukta kag resulta sang nagligad nga reaksyunaryong eleksyon? Paano mo ilaragway ang pagdaug ni Benigno Aquino III sa eleksyon? Ano ang papel nga gintungdan sang imperyalistang US kag iban pang yabi nga pwersa kag paano sini maapektuhan ang magabulos nga rehimeng Aquino?

**Jose Ma. Sison (JMS):** Sa kabilugan, nangibabaw sa eleksyon 2010 ang mga lider pangpulitika, kandidato, partido kag koalisyon sang mga lokal nga mapanghimulos nga sahi sang daku nga kumprador kag agalon nga mayduta. May direktang kontrol ang US sa *automated electoral system* kag ginsiguro sini nga mapilian si Noy-noy Aquino paagi sa *electronic pre-programming*. Naghatag ang pinakadaku nga Amerikano kag lokal nga negosyante sa Makati Business Club sang higante nga pondo pangkampanya para sa iya. Bunga sini, magaserbi ang rehimeng Aquino sa interes sang US kag mga lokal nga daku nga kumprador-agalon nga mayduta imbes sa interes sang pumuluyong Pilipino.

**AB:** Ano sa lantaw mo ang mangin pangunahon nga pagkatuhay sang magapungko nga rehimeng Aquino kag sang nagapaguwa nga rehimeng Arroyo? Ano ang magkapareho? Ano sa lantaw mo ang magatampok sa masunod nga anum ka tuig sa idalum sang rehimeng Aquino?

**JMS:** Sa umpisa, pagatilawan sang rehimeng Aquino nga tuhayon ang hitsura sini sa rehimeng Arroyo kag magpostura ini paagi sa tuso nga propaganda sa burges nga midya sa Pilipinas, US kag kalibutan nga



ini mas demokratiko sangsa ginsundan nga rehimen. Pero sa esensya mangin tagapadayon lang ini sang rehimeng Arroyo sa halambalanon sang pag-ikog-ikog sa pang-ekonomya nga polisiyang neoliberal nga globalisasyon sang US kag sa polisiya nga ginatawag nga anti-terorismo kag *counterinsurgency* sang US, nga ginasaad sang Counterinsurgency Guide kag nagakumbinar sang interbensyon militar sang US kag terorismo sang estado.

Pareho sang rehimeng Arroyo, ang rehimeng Aquino nakatakda nga mangin papet nga rehimen sang US, korap kag mapintas. Sa masunod nga anum ka tuig, magagrabe ang sosyo-ekonomiko nga pag-antus sang pumuluyo. Ang mga reaksyunaryo mismo labi nga magkapihak-pihak batuk sa isa kag isa. Labing mangin malala kag sistematiko ang mga paglapas sa tawhanong kinamatarung. Magadugang pa ang pagpami-

gos kag pagpanghimulos sa pumulyong Pilipino. Bunga sini, ang kundisyon magadabok sa pumulyo nga maglunsar sang rebolusyonaryong pagbato labaw pa sa nagligad.

**AB: Ano ang tantya mo sa kasesyosohan kag posibilidad nga tumanon ni Noynoy Aquino ang iya pangako sa eleksyon nga magapasaka siya sang mga kriminal nga kaso sang korapsyon batuk kay Gloria Arroyo? Ano bala ang tsansa kag mangin taktika ni Arroyo sa pagbato sa amo nga mga plano? Ano ang posible nga mangin papel kag diskarte sang US sa halambalanon nga ini? Ano ang dapat himuon sang demokratikong kahublagang masa sang pumulyo agud iduso ang paglagas kag pagsilut kay Arroyo?**

**JMS:** Ang daan na nga pagprograma sang de-kompyuter nga isipay sa eleksyon pabor kay Noynoy Aquino indi matigayon kon wala sang himbunanay ang US, ang nagaharing hubon Arroyo, ang COMELEC kag ang pamilya Aquino. Indi ako makibot kon sa sulod lamang sang pila ka bulan mangin maathag sa publiko nga wala sang intensyon si Aquino nga ipatuman ang pangako niya nga pasakaan sang kriminal nga kasong korapsyon si Arroyo. Pero kon baliskad sa ginahambal ko subong ipakulong gid man ni Aquino si Arroyo, isa ako sa mauna nga magdayaw kag magtamyaw sa iya.

May pat-ud nga rasonable nga talaksan kon ipatuman ni Aquino ang pangako niya nga ipakulong si Gloria M. Arroyo. Wala siya sang rason para indi arestuhon kag ipakulong si Arroyo sa sulod sang tatlo ka bulan. Napaaresto kag napakulong ni Arroyo si Estrada sa kasong pagdambong sang Abril 2001, may tatlo ka bulan halin sang mabutang siya sa poder sang ulihi nga bahin sang Enero 2001. Bilang presidente, may bastante nga gahum si Aquino para padasigon ang imbestigasyon kag paglagas kay Arroyo,

luwas lang kon hambalan siya sang US nga maghinay-hinay kag kalimantan na ang iya pangako.

May signipikante pa nga gahum kag impluwensya si Arroyo. Mahimo nga bastante na ini para buyukon si Aquino nga makigbuligay sa iya. Pero wala siya sang bastante nga poder para batuan kag dag-on ang isa ka presidente nga desidido nga ipakulong siya. Pareho sa Taiwan kag South Korea, masami nga nagadampig ang US sa bag-ong puno nga papet kon desidido gid man ini nga ipakulong sa mga kasong korapsyon ang ginsundan niya. Sa desisyon sang kahublagang masa nga iduso ang pagsilut kay Arroyo sa korapsyon kag maghanda nga kastiguhon si Aquino kon indi niya matuman ang iya pangako sa sulod sang tatlo ka bulan.

**AB: Gin-anunsyo na ni Aquino nga pat-ud nga ilisan niya ang loyalista ni Arroyo nga si Gen. Delfin Bangit bilang hepe sang AFP. Paano sini maapektuhan ang pagkapihak-pihak sang AFP? Ano kadaku ang impluwensya ni Arroyo sa AFP? Ano ang pwede nga himuon ni Aquino para isahon ang AFP kag konsolidahon ini sa idalum sang iya bag-o nga pagpamuno?**

**JMS:** Si Gen. Delfin Bangit bantog sa pagka-idu-ido ni Arroyo kag sa mga paglapas sa tawhanong kinamatarung. Pero gamay lang ang papel niya. Bilang indibidwal nga upisyal, bisan bilang *chief of staff*, inutil siya suno sa layi kag kagawian sa atubang sang bag-ong presidente bilang *commander in chief*. Nahigot siya sa istruktura sang kumand. Sa pagbaylo sang presidente, awtomatiko nga madulaan si Arroyo sang daku nga impluwensya maluwas sa mga upisyal nga ginpa-

buran kag gin-promote niya.

Angut sa nagapaggwa nga presidente, pagapanublion sang magabulos nga presidente ang katampad sang reaksyunaryo nga armadong pwersa. Sa kaso ni Aquino, magabaton siya sang abiso halin sa mga daan nga upisyal nga tampad sa iya iloy. Kag ginakonsolidahon niya subong ang mga upisyal nga sa lantaw niya pinakatangpad sa iya. Pero sa likod sang daw pag-isa sang AFP, may mga kontradiksyon sa tunga sang mga grupo sang mga makawat kag sindikato kriminal kag sa tunga sang mga idu-ido sang mga magkaaway nga pulitiko.

Amat-amat nga magaluya ang uyat ni Aquino sa militar kon pakalainon sang kadam-an sang mga upisyal kag suldado ang iya paboritismo, kon siya mismo magasayup o mang-abuso sa gahum kag gina-kaugtan o mahamulag sa sulod kag guwa sang militar kag kon bunga sini magabaskog kag mangin epektibo ang isa ka malapad nga prente sang mga pwersang oposisyon batuk sa iya.

**AB: Paano mo igalaragway ang mga kontradiksyon sa tunga sang kampo Aquino kag kampo Arroyo angut sang Kongreso, sang Korte Suprema kag iban pa nga aspeto sang estado nga ginatinguha pa gihapon nga kontrolon ni Arroyo, kag ano ang nakita mo nga mangin epekto sang mga kontradiksyon nga ini sa mangin dalagan kag ikasarang sang rehimen ng Aquino kag sang reaksyunaryong estado? Ano nga oportunidad ang ginabuksan sang amo nga sitwasyon para sa mga rebolusyonaryong pwersa?**



**JMS:** May potensyal nga magatalom ang mga kontradiksyon sa tunga sang ginatawag ninyo nga mga kampo Aquino kag Arroyo. Mahimo seryoso nga tuyuon subong ni Aquino nga ipaaresto kag presuhon si Arroyo sa mga kaso sang korapsyon kag pagdambong. Sa ulihi mahimo nga makakita sang rason si Arroyo para pahulagon ang mga loyalista niya sa House of Representatives para paandaman si Aquino sang *impeachment*. Ang mga ginbutang ni Arroyo sa Korte Suprema posible maghimo sang tikang batuk sa interes sang mga Cojuangco-Aquino sa Hacienda Luisita.

Bisan pa man, indi kamo magpaniguro nga matabo ang mga dramatikong bunguanay sang mga Aquino kag Arroyo sa nagkalain-lain nga sanga sang gubyerno magapadayon man ang mga kontradiksyon sa tunga sang duha ka kampo. Indi ninyo i-balewala ang mga pamatuod o patimaan nga likom na nga nagkasugot ang pamilya Aquino kag Arroyo para sa ila benepisyo sadtong tian sang kampanya sa eleksyon. Malawig na ang kasaysayan sang himbunanay sang duha ka pamilya nga ini. Ano pa man, nagagamay na ang nabilin nga gahum kag impluwensya ni Arroyo. Gani mas gustuhon ni Arroyo nga uyatan ang pwede nga uyatan paagi sa paglagas kag paghimo sang mga kasugtan kay Aquino.

**AB:** Ano ang nakitamo nga ginaatubang sang ekonomya sa idalum sang rehimeng Aquino angut sa interes sang mga imperyalista kag lokal nga daku nga negosyo sa isa ka bahin kag sang masa nga anakbalhas kag pumuluyo nga Pilipino sa

## pihak nga bahin?

**JMS:** Ang nagapasulod nga rehimeng Aquino magasunod sa dikta sang US nga neoliberal nga linya sang denasyunalisasyon, liberalisasyon, pribatisasyon kag deregulasyon sa kahalitan sang masang anakbalhas kag bug-os nga banwa. Sa idalum sang bagsak nga agraryo kag atrasadong ekonomya, ipabilin o padakuon sang US kag sang katuwang nila nga daku nga kumprador-agalon nga mayduta ang ila ganansya paagi sang pagpanubo sa panweldo kag eksport sang hilaw nga materyales sa manubo nga bili kag mas madasig nila nga tipunon kag ikonsentrar ang duta sa kamot sang pila.

Sa pihak sang bagsak nga kahimtangan sang ekonomya, ang ginadeklarar nga polisiya ni Aquino amo nga magpataw sang mga bagong buhis kag pasanyugon ang koleksyon sang buhis sa atubang sang pagkabangkarote sang reaksyunaryong gubyerno. Tuig-tuig, magapatuman sang mga tikang sang pagkinot sa kahalitan sang masang anakbalhas.

Ang utang sang gubyerno P4.5 trilyon na kag makaparalisa sa estado ang pagbayad sa utang. Pero ang reaksyunaryong estado nakatakda giha-pon magpadaku sang gasto sa militar kag iban pa nga hilikuton nga kontraproduktibo. Magadaku pa ang utang sang gubyerno bangud padayon nga nagadaku ang depisit sa negosyo kag badyet kag padayon ang pangutang sa pihak sang mas mabug-at

nga kundisyon.

Magaagi sang mas malala nga pagpamigos kag pagpanghimulos ang masang mamumugon kag mangunguma kag ang bilog nga banwa. Maduso sila nga mag-insister sang mas maayo nga kahimtangan sa pangabuhì kag pagtahud sa ila mga pungsodnon kag demokratikong kinamatarung. Pero nakatalana nga mag-ikog-ikog ang rehimen sa mga dikta sa ekonomya sang US kag mga nagahimulos nga sahi kag mahimo nga ibasol sini sa mga komunista ang mga problema sang garuk nga nagaharing sistema kag magasabwag ini sang terorismo sang estado.

**AB:** Nagalunsar subong sa propaganda ang hubon Arroyo agud tabunan ang korapsyon, malala nga paglapas sa tawhanong kinamatarung kag sosyo-ekonomiko nga balatian paagi sang pagpaguwa nga nag-uswag ang ekonomya sa idalum sang iya pagginahum kag panawagan nga rekonsilyasyon sa idalum sang magasulod nga rehimeng Aquino. Posible nga mangin maabtik man ang kampo Arroyo para ihayag ang korapsyon sa idalum sang rehimeng Arroyo. Ano ang tsansa ni Arroyo nga makalampuwat man sa pangkasaysayan nga husga sang pumuluyo pareho ni Estrada sa idalum sang rehimeng Arroyo?

**JMS:** Tuman nga naglala ang ekonomya halin sang magsugod ang paghari ni Arroyo sang 2001. Wala sang natabo nga industriyalisasyon kag reporma sa duta. Nagnubo ang matuod nga kita sang masang anakbalhas kag pati sang mga nahanung nga saray sang katilingban. Naglala pa ang kaimulon. Madali mapakita ang paglubha sang ekonomya sa pagtumod sa pagtaas sa lebel sang utang sang gubyerno halin P2.2 trilyon sang 2001 pakadto sa P4.5 trilyon subong.

Masakit nga lahug sa pumuluyo ang pagpaggwa ni Arroyo nga pag-



uswag sang ekonomya ang daku nga paggasto sa eleksyon sining una nga tunga sang 2010. Tuman kagrabe kag tuman kaathag ang riyalidad sang paglala sang ekonomya gani ini basta matabunan sang mga pagpabugal ni Arroyo nga napauswag niya ang ekonomya. Ginapabilin sang mga papet nga rehimen nga atrasado, agraryo kag malapyudal ang Pilipinas kag permi na nila ginapaggwa nga matuod nga pag-uswag sang ekonomya ang konsumo nga duso sang panggwa kag lokal nga pagpangutang sang estado.

Ginalauman ko nga sa tion nga mag-entra sa korapsyon ang rehimeng Aquino, ibuyagyag ini ni Arroyo kag iya mga sumulunod, malumas kon magkasugot ang mga sumulunod nanday Aquino kag Arroyo nga maghimbunanay para sa benepisyo nila tanan sa isa ka bag-o nga sulog sang korapsyon. Pareho sang nagligad nga magkaaway nga bahin sang pamilya Cojuangco, indi imposible nga magkasugot kag maghimbunanay ang mga pamilya Arroyo kag Cojuangco-Aquino. Mahimo indi matabo ang pagpakulong kay Arroyo. Bisan matabo man ini pareho sa kaso ni Estrada, indi maubusan sang pamaagi si Arroyo nga makalampuwas halin diri.

**AB: Ginalauman nga magalala ang korapsyon kag burukrata kapitalismo sa idalum sang rehimeng Aquino sa pagbalik sa poder sang pamilya Aquino-Cojuangco kag sang Kamag-anak Inc. Ano sa lantaw mo ang mangin yabi nga halambalanon kag taktika sa pagbuyagyag sang korapsyon sang magasulod nga rehimen? Luwas sa mga nasambit na, matumod mo bala ang pinakadaku nga kumprador-agalon nga mayduta kag burukrata kapitalista nga nakabenepisyo sa idalum sang rehimeng Aquino?**

**JMS:** Ang pinakadaku nga kumprador-agalon nga mayduta kag

burukrata kapitalista nga makabenepisyo sa rehimeng Aquino ginalakipan sang nagbalik nga Kamag-anak Inc. sa pagpamuno ni Jose "Peping" Cojuangco kag ang higan-te nga negosyo ni Eduardo "Danding" Cojuangco Jr. kag tanan nga iban pang hari sang negosyo sa Makati Business Club nga nag-amot sang daku sa pondo pangkampanya ni Aquino pareho sang mga Ayala, Lopez, Razon kag Pangilinan.

Bal-anon nga kulang ang listahan sang mga nag-amot kag kantidad nga gin-amot sa pondo pangkampanya ni Aquino. Nagbinutig si Aquino sa pagsiling masobra P400 milyon lang ang gingasto niya kag ang gin-amot sa iya amo lang ang nalakip sa hayag nga listahan. Sa umpisa pa lang, nabuyagyag na ang kawad-on niya sang integridad kag kredibilidad. Maathag nga sa dalan siya sang pagpaniplang kag pagpanonto sa mga tao. Maathag ini ano man ianunsyo sang mga tagalingaw kag sipsip nga siya matinlo.

Nagapanguna sa mga pamilya kumprador-agalon nga mayduta nga ara sa pusisyon nga makabenepisyo sa rehimeng Aquino ang duha ka bahin sang pamilya Cojuangco, nga daan nagabanggianay pero subong nagapabuligay para labi nga magpamanggad paagi sang kagarukan. Halin umpisa sang rehimeng Aquino, nakatakda na nga makalampuwas si Danding Cojuangco sa tanan nga paglagas sang gubyerno sa iya kinawatan nga manggad nga direkta niya nga natipon pati na yadtong ginpangalan sa iya sang pasistang diktagor nga si Marcos. Indi bala nga tumman kadaku nga korapsyon ini nga hayagan nga ginahimo?

Magalipas anay ang pila ka panahon antes magtuhaw ang mas iskandaloso nga mga kaso sang korapsyon sa idalum sang rehimeng Aquino nga magapabaho sa rehimen. Nagabinutig si Noynoy sang

hambalon niya sadtong kampanya nga malubad niya ang kaimulon paagi sa pagtapna o pagbuhin sa korapsyon. Ang korapsyon kag kaimulon duna sa malakolonyal kag malapyudal nga sistema nga gusto niya ipabilin. Ang dumuluong nga monopolyong kapitalismo, lokal nga pyudalismo kag burukrata kapitalismo ang ara sa ugat sang kaimulon kag korapsyon. Indi ini matabunan sang bisan ano nga katuntuhan sang sin-o man nga reaksyunaryong pulitiko.

Bisan hatagan sang tsansa anay si Noynoy Aquino nga pamatud-an ang kaugalingon, dapat bastante nga magpabaskog ang kahublagang masa para maduso sini ang rehimen nga ipaaresto kag ipakulong sanday Arroyo kag ang mga nagapanguna niya nga kriminal nga kahimbon kag bawion ang kinawatan nga manggad sang mga Marcos kag daku niya nga kroni pareho nanday Eduardo Cojuangco, Lucio Tan, Jose Campos kag iban pa. Dapat man magpakatalom ang mga progresibong pwersa sa pagtumod, pagkastigo kag paghulag batuk sa mga bag-o nga kaso sang korapsyon sa idalum sang rehimeng Aquino.

Ang pumuluyo kag ang malapad nga mga pwersang oposisyon dapat mangin mabinantayon kag militante sa mga isyu pareho sang nasambit nga kinawatan nga manggad sa nagligad nga mga rehimen. May mga higante man nga kaso sang di pagbayad sang buhis, ismagling kag iban pang mayor nga krimen ekonomiko. May mga daan na nga kaso kag may mga bag-ong kaso angut sa pagpanagtag ni Noynoy Aquino sang daku nga kontrata kag pribilehiyo sa iya mga paryente, abyan kag iban pa nga nag-amot sa iya pondo pangkampanya.

Indi dapat mag-untat sa pagpanalawsaw sa datos kag layi agud maarmasan sang husto ang mga pwersang oposisyon kag ang kahub-

lagang masa sa pagbuyagyang kag pagbato sa korapsyon. May mga organisasyon sa pagpanalawsaw, mga organisasyon sang mga abugado kag iban pang organisasyon sibiko nga nagatum-ok sa maayo nga pagginubverno kag korapsyon. Dapat mabuyok sila nga maghatag sang datos kag magsuporta sa kahublagang masa. Kinahanglan maghimakas ang kahublagang masa para sa pungsodnong kahilwayan kag demokrasya batuk sa mga imperyalista, lokal nga nagaharing sahi kag daku nga burukrata nga sila ang may salabton sa korapsyon kag pagantus sang pumuluyo.

**AB: Ang halambalanon sang reporma sa duta isa sa mga kritikal nga halambalanon nga padayon nga atubangon sang rehimeng Aquino, kapin nga si Aquino kabahin sa asendero nga pamilya Aquino-Cojuangco sang Hacienda Luisita. Ano ang pwede himuon ni Aquino sa pag-atubang sa lapnagon nga demanda para sa reporma sa duta, lakip ang Hacienda Luisita? Ano ang mahimo lauman angut sang pagpasulong sang kahublagang mangunguma nga nagahimakas para sa tunay nga reporma sa duta?**

**JMS:** Gin-athag ni Noynoy Aquino nga wala sang matabo nga reporma sa duta sa Hacienda Luisita tubtub 2014. Gusto niya nga padayon ang tinunto nga *stock distribution option*. Bal-anon naman nga sugot siya sa iskema sang iya pamilya nga gamiton ang masunod nga apat ka tuig agud ihigot ang Hacienda Luisita Inc. sa mga utang kag iban pa nga obligasyon sa iban nga korporasyong Cojuangco, baguhon ang klasipikasyon sang bahin sang asyenda kag sayluhon ini sa iban nga korporasyong Cojuangco, pahalidon ang tanan o kadam-an sang mga mamumugon sa uma kag agsador nga daan nagpasugot sa *stock distribution option* kag baklon ang nabilin nga sapi sang mabilin

pa nga mga mamumugon sa uma.

Gusto ni Noynoy Aquino nga ibasura ang desisyon sang Agrarian Reform Council sa idalum ni Arroyo nga nagsikway sa *stock distribution option* kag nagmandu nga ipadalum sa reporma sa duta ang Hacienda Luisita. Ginlubag man niya ang Korte Suprema agud mapahumok ang mga gin-nombrar ni Arroyo para magpasugot nga suportahan ang iskema nga SDO. Ginapakita sang pusisyon ni Aquino sa halambalanon sang reporma sa duta kag sang masaker sa Hacienda Luisita nga wala siya sang interes sa tunay kag lubos nga reporma sa duta sa iya kudal o sa diin pa man.

Gusto ni Aquino nga ipabilin ang CARP-ER agud pahanugutan ang mga agalon nga mayduta nga sila ang magdesisyon sa pagbaligya sang ila mga duta kag makalikaw sa reporma sa duta sa pagpamilit sang maayo nga presyo sa merkado para sa ila duta, pagbaylo sang klasipikasyon sang duta agud indi masakop sang reporma sa duta kag paggamit sang *stock distribution option* agud tiplangon ang mga mangunguma nga wala duta. Posible gid nga magasugot si Aquino sa ginaduso sang US nga polisiya sang pagpang-agaw sang duta sang mga korporasyong multinasyunal. Indi magdugay kag magatindog kag magasulong ang kahublagang mangunguma agud iduso ang tunay kag kumprehensibo nga reporma sa duta. Labaw nga ginabudlayan ang mga wala duta nga mangunguma sa nagapalala nga kahimtangan pangkatilingban kag pang-ekonomya. Wala sila sang iban nga madangpan kundi ang maghimakas para sa duta.

**AB: Paano mo ilaragway ang mga sosyal demokrata kag iban pa nga paltik nga progresibo kag**

**repormistang grupo nga aktibo sa kampanya ni Aquino? Paano sila makaimpluwensya sa nagapasulod nga rehimeng Aquino? Ano ang nakit-an mo nga papel nga pagatungdan nila?**

**JMS:** Ang sosyal nga demokrata kag iban pa nga paltik nga progresibo kag repormistang grupo nga nangin aktibo sa kampanya ni Aquino mga espesyal nga ahente sang kontra-rebolusyonaryong estado kag nagatigayon sang mahigko nga propaganda para sa pinakamalaut nga reaksyunaryo. Sang kampanya sa eleksyon, nagtum-ok sila sa *Red-baiting* o malisyoso

nga pag-angut sa mga komunista sa duha ka kandidato sang Makabayan sa Senado kag iban pang progresibong grupo sa *party-list*. Naghulag sila kadungangan sang ila mga militar nga katuwang sa saywar.

Ang poderoso nga mga bahin sang rehimeng Aquino amo ang mga mukhang pera sa pamilya Cojuangco kag Aquino nga nagapadalagan sang mga negosyo kag ang ila mga paborito sa mga negosyante kag mga nagapanguna nga upisyal militar kag pulisya. Kumpara sa mga ini, gamay ang mga sosyal demokrata o klerikopasista kag iban pang espesyal nga ahenteng anti-komunista pero magatungod sila sang papel sa padayon nila nga *Red-baiting* kag anti-komunista nga mga hilikuton. Igalas-ot sila sa mga upisina sang istap sang presidente, *press office*, edukasyon, pinansya, seguridad nasyunal kag sa kuno proseso pangkalinungan.

**AB: Ang pasistang kalakasan**



**kag mga paglapas sa tawhanong kinamatarung nga ginhiro sang rehimeng Aquino sa idalum sang OBL 1 kag 2 nagresulta sang pagpakamalaut sa sulod sang pungsod kag bilog nga kalibutan. Ano ang pwede nga himuon ni Aquino angut sang ginademanda nga katarungan sang mga biktima sang pasistang kalakasan kag pagimbestiga kag paglagas sa mga kaso sang paglapas sa tawhanong kinamatarung sa idalum sang rehimeng Arroyo?**

**JMS:** Ang bug-at sang malaparan nga pagpakamalaut sa sulod kag guwa sang pungsod sa mga paglapas sa tawhanong kinamatarung sa idalum sang rehimeng Arroyo dapat timbangan sang pasulod nga rehimeng Aquino kag magduso diri nga imandu ang gila-yon nga paghilway sa tanan nga detenido pulitikal kag imbestigahan, lagson kag silutan ang mga naglapas sa tawhanong kinamatarung, humalin kay Arroyo paidalom. Pero bisan si Philip Alston nagapahayag sang pagduda nga may mabaskog nga buot ang bag-ong rehimen nga maghulag batuk sa ila kag atubangon ang posibilidad nga madula ang suporta sang militar kag pulisya.

Sa eksperensya madali himuon ni Cory Aquino nga imandu ang paghilway sa tanan nga detenido pulitikal sang 1986 pero wala siya nangahas nga lagson ang mga naglapas sa tawhanong kinamatarung sa idalum sang diktaduryang Marcos. Naobligang mga biktima nga sa mga korte sang US ipasaka ang ila reklamo. Napaslawan si Cory Aquino nga masilutan ang mga nagpatay sa iya mismo nga bana. Subong, nag-ayuhay na si Noynoy kay Eduardo Cojuangco

nga daan nga ginasisigahum kahimbon ni Marcos sa pagpapatay kay Ninoy Aquino.

Si Noynoy Aquino mismo posible nga indi pabor nga lagson ang mga naglapas sa tawhanong kinamatarung sa idalum sang rehimeng Arroyo bangud sa nakita nga pagkadalahig niya sa masaker sa Hacienda Luisita kag mga kasunod nga pagpatay sa Tarlac. Pareho sang iya napatay nga iloy, si Aquino ginabisuhan na naman sang mga operatiba sang US nga magtum-ok sa armadong kontra-rebolusyon sa baylo nga pasabton ang militar kag pulisya sa mga paglapas sa tawhanong kinamatarung. Si Aquino mismo nagumpisa na nga mag-atras sa nauna niya nga pangako nga pauntaton kag silutan ang mga naglapas sa tawhanong kinamatarung bisan padayon siya nga nagapakuno-kuno nga nagasakdag sang dekmokrasya kag nagadeklarar nga ipakig-away ang kinamatarung sang iya mga pangontra.

Malahalon para sa mga organisasyon nga nagatibong sa tawhanong kinamatarung, mga grupo sang abugado kag iban pang propesyunal, mga organisasyong relihiyoso kag sa malapad nga masa sang pumuluyo nga maghimakas sa kampanya batuk sa mga paglapas sa tawhanong kinamatarung kag iduso ang pagsilut sa mga naglapas sa tawhanong kinamatarung, tubtub sa lebel sang mga may *command responsibility*. Kon may amo nga kampanya, may tsansa nga maagum ang isa ka lebel sang hustisya o mapahaganhagan ang mga paglapas sa tawhanong kinamatarung. Pero kon wala


sang amo nga kampanya, labing magabaskog ang buot sang mga nagalapas sa tawhanong kinamatarung nga himuon ang ila mga makasiligni nga krimen.

**AB:** Lauman bala naton nga suportahan sang masunod nga rehimeng Aquino ang madugay na nga demanda para sa bayad-danyos sang mga biktima sang paglapas sa tawhanong kinamatarung sadto pa nga panahon sang diktaduryang Marcos?

**JMS:** Labing mas madali para kay Noynoy Aquino nga suportahan kag ihatag ang mga demanda para sa bayad-danyos sang mga biktima sang tawhanong kinamatarung sa idalum sang diktaduryang Marcos. Masarangan niya nga magsimpatiya sa mga biktima bangud biktima man siya, ang iya mga ginikanan kag ang bug-os niya nga pamilya. Ginhusgahan sang mga korte sa US ang kaso batuk sa mga Marcos kag ginsambit sini ang mga biktima nga dapat bayaran sang danyos.

Dapat anay nga may tikang para bayaran ang mga benepisyaryo sang husga sang korte sang US antes may isa pa ka tikang para bayaran ang iban pa nga biktima nga indi sakop sang nasambit nga desisyon. Kon indi, tuig-tuig padayon ang pagbalibad nga ihatag ang bayad-danyos sa maathag nga benepisyaryo kag pag-insulto nga sila dalok bangud kuno sa katuyuan nga mangin layi ang pagbayad-danyos sa tanan nga biktima sang tawhanong kinamatarung, lakip ang mga wala maupod sa kaso sa US batuk sa propyedad ni Marcos.

Idugang pa nga ang pagbayad-danyos sa mga biktima sang paglapas sa tawhanong kinamatarung base sa desisyon sang korte sa US nakasaad sa GRP-NDFP Comprehensive Agreement on Respect for Human Rights and International Humanitarian Law (CARHRIHL). Dapat ipahanumdom sa rehimeng Aquino nga wala san-o man nga may pinal




nga kasugtanan pangkalinungan kon indi masabat ang demanda para sa bayad-danyos sa mga biktima sang paglapas sa tawha-nong kinamatarung sa idalum sang rehimeng Marcos.

**AB: Magapatuman bala si Aquino sang programa pareho sang OBL o mas malala pa sa pag-atubang sini sa nagasulong nga inaway banwa?**

**JMS:** May maathag nga patimanan nga si Aquino nagasunod sa US Counterinsurgency Guide kag pagapadayunon niya ang OBL sa iban nga ngalan. Sa isa ka diskurso bahin sa kalinungan kag seguridad sa atubang sang mga dumuluong nga peryodista sang Abril 22, wala niya gintumod ang importansya kag kakinahanglanon para sa sugilanon pangkalinungan bilang pamaagi sang pag-atubang sa mga ugat sang armadong inaway kag pagbalay sang mga kasugtanan sa mga repormang pangkatilingban, pangekonomya kag pangpulitika para ilatag ang basehan para sa makatarungan nga kalinungan.

Ginsulit niya ang linya sang US Counterinsurgency Guide nga ang rebolusyonaryong kahublagan masarangan dugmukon, lamunon o paluyahon sang reaksyunaryong gubyerno kon magahulag ini sang episyente bisan wala ang sugilanon pangkalinungan. Sa amo nga konteksto, naga-atubang siya sang apat nga pagsulundan: maayo nga pagginubyrno, pagdul-ong sang mga serbisyo, pagkay-o kag pagpauswag sang ekonomya kag mga reporma pangseguridad. Ang maathag nga ginapabati nga pwede niya nga indi pagpamatian ang tanan nga demanda para sa sugilanon pangkalinungan tubtub nga nagasunod siya sa mga talaksan nga ini.



Si Aquino ginpili sang US bilang bag-ong pinuno nga papet bangud nakita nga pabor siya sa paggamit sang kalakasan batuk sa masang anakbalhas kag mga nagasuporta sa ila pareho sang natabo sa masaker sa Hacienda Luisita kag mga masunod nga pagpatay sa Tarlac. Permi ginasambit niya ang kaundan sang US Counterinsurgency Guide kag ginapat-ud na niya sa mga magadumala sa iya nga Amerikano kag Pilipino nga tugutan niya ang pagrepaso sang Visiting Forces Agreement para lang paboran ang demanda sang pila ka senador, pahanugutan ang pila ka adyasment pero ipabilin nga bugos ang kasugtanan kag hatagan pa sang ligal nga basehan ang nagapasilabot nga presensya kag pagsulod sang dugang nga pwersang militar sang US.

**AB: Suno sa peace panel sang NDFP, bukas ini sa liwat nga pagpadayon sang sugilanon pangkalinungan sa GRP sa idalum sang rehimeng Aquino. Ano ang masiling mo nga mga kundisyon kag pwede nga lauman sa sugilanon?**

**JMS:** Sa pagpahayag sini sang kahandaan nga liwat padayunon ang sugilanon pangkalinungan sa GRP, ginaathag sang NDFP nga dapat liwat aprubahan, sundon kag isulong sang magtimbang nga bahin ang The Hague Joint Declaration, ang Joint Agreement on Safety

and Immunity Guarantees, ang Joint Agreement on the Sequence, Formation and Operationalization of the Reciprocal Working Committees, ang CARHRIHL kag iban pa nga kasugtanan. Wala sang anuman nga ginatakda nga paunang kundisyon. Pagasundon lang sang magtimbang nga bahin ang mga nagaluntad nga kasugtanan.

Wala pa sang seryoso nga pauna nga paabot ang GRP sa NDFP. Mahimo nga indi na

liwat mapadayon o maatrasar sang madugay ang sugilanon pangkalinungan sang GRP kag NDFP kon magasunod si Aquino sa mga dikta sang US angut sa sugilanon pangkalinungan kag pabay-an niya nga kontrolon sang mga mangu nga militar kag mga kleriko-pasista ang bahin sang GRP sa sugilanon pareho sadtong panahon ni Arroyo. Pareho sang nagligad, mahimo ang solo nga interes sang GRP nga magtuga sang ilusyon sang sugilanon pangkalinungan GRP-NDFP para magserbi nga gamay nga dekorasyon sa ginapasanyog nga mapintas nga kampanyang pagtapna sang militar nga may bahin sang paltik nga mga lokal nga sugilanon pangkalinungan kag paltik nga programa para sa *social integration*.


**AB: Sang nagligad, ano ang mga nangin sablag sa pagpadayon sang sugilanon sang GRP-NDFP? Ngaa may amo nga mga sablag?**

**JMS:** Una, sambiton ko lang nga daku na tani ang ginaabante sang sugilanon pangkalinungan halin pa sadto kon ginsunod sang GRP ang The Hague Joint Declaration kag mga masunod nga kasugtanan. Napamatud-an na sang madinalag-on lunsay sang paghimo kag pag-aprubar sang CARHRIHL nga matigayon sang GRP kag NDFP nga makahimo sang kumprehensibong kasugtanan

kon indi magpamilit ang GRP nga maglatag sang mga sablag sa The Hague Joint Declaration.

Sa malawig nga panahon, naglatag ang GRP sang mga sablag pareho sang 1) pagpamilit nga sa Pilipinas himuon ang sugilanon pangkalinungan, 2) pagpamilit nga dululungan nga sugilanunang apat ka punto sa sustantibong adyenda para imaniobra nga una ang ikaapat kag ulihing punto bahin sa pagtapos sang mga inaway kag ipahigad ang ikaduha nga adyenda bahin sa mga reporma pangkatilingban kag pang-ekonomya kag ang ikatlo nga adyenda bahin sa mga reporma pangpulitika kag pangkonstitusyon, 3) pagpamilit sang paunang kondisyon nga wala sang latid nga untat-lupok, 4) himuon nga impormal ang mga pag-sugilanon tubtub handa na nga ipormalisa ang isa ka pinal nga kasugtanan, 5) ang paglista bilang terorista sang PKP-BHB kag sang puno nga konsultant pangpulitika sang NDFP, 6) ang di lehitimo nga pagsuspendi sa Joint Agreement on Safety and Immunity Guarantees, kag 7) ang pagdukot, pagtortur kag pagpatay sa mga konsultant kag istap sang NDFP.

Nangin maathag nga ang



GRP nagsulod sa mga *bilateral* nga kasugtanan sa NDFP, hindi para atubangon ang mga ugat sang armadong inaway kag maghimo sang mga kasugtanan para sa mga sandigan nga reporma sa katuyuan nga agumon ang makatarungan nga kalinungan, kundi para lang magtuga sang ilusyon sang sugilanon pangkalinungan para sa dungan nga katuyuan nga pagpaniplang sa pumuluyo kag pagpangita sang pamaagi para paluyahon ang rebolusyonaryong kahublagan kag pasingkion ang mga kampanya sang pagtapna sang militar batuk sa pumuluyo kag mga rebolusyonaryong pwersa.

**AB:** Ang magkaaway nga pamilya sang mga Aquino kag Marcos daw malipayon na nga nagakabuhi sang magkaupod sa gamay nga paraiso sang daku nga kumprador kag agalon nga mayduta sa Pilipinas. Ang magkaaway nga sanga sang pamilya Cojuangco nag-ayuhay na kag pareho nga nakapusisyon para himuslan ang pumuluyong Pilipino. Ano ang sabat mo sa ila kon ginaatake ka kag sang mga propagandista nga ang imo nga distyero kaugalingon nga desisyon lang kag nagapanamit ka sa iban nga pungsod? Ano ang sabat mo pananglitan kuno imbitahan o hangkaton ka nga magpauli ni Noynoy Aquino mismo o sang sinoman sa mga mayor niya nga suluguon kag manawagan man sila sa NDFP *negotiating panel* nga sa Pilipinas hiwaton ang pormal nga sugilanon pangkalinungan?

**JMS:** Indi makatarungan bisan para sa reaksyunaryong masmidya nga basta lang ako ilaragway nagdistyero sang kaugalingon. Nahibal-an sang

publiko nga sadtong 1988, ginkansela ni Cory Aquino ang pasaporte ko agud obligahon ako nga mag-uli kag ipaaresto sa militar sa hulugpaan sa Maynila. Pero nagaplay ako sang *political asylum*. Halin sadto, napwersa ako nga madistyerokag ginkilala bilang isa ka *political refugee*.

Ang manggaranon kag poderoso nga mga Aquino, Cojuangco, Arroyo kag Marcos kag ang ila mga propagandista indi nga mas maayo sangsa akon bangud lang sila ara sa Pilipinas. Sila mga kriminal nga responsable kag may salabton sa pagpanghimulos kag pagpamigos. Ara sa Pilipinas sila para himuslan kag piguson ang pumuluyong Pilipino. Ginapabilin ako sa guwa sang pungsod sang mapanghimulos nga sahi sang daku nga kumpradoragalon nga mayduta kag mga burukrata kag ang ila mga suluguon nga militar kag pulis kag permi sila nagabantay sa akon nga pagbalik agud himuan ako sang malain.

Bisan ara sa iban nga pungsod, target ako sang tanan nga klase sang atake sang mga nagahari sa US kag Pilipinas. Nagahulag sila agud sablagan ang akon nga *asylum*, padayon nga samaron ako sa burges nga midya, himuon nga target sang asasinasyon, ibutang sa listahan sang mga terorista, bala-bagan makakita sang trabaho, hikawan sang suporta pangkatilingban, arestuhon kag ikulong sa himu-himo nga mga kaso sang pagpatay kag padayon nga ipataw sa akon ang nagkalain-lain nga pagpresyur kag pagdumili tubtub subong, bisan makaligad ang mga desisyon sang mga korte sang The Netherlands kag European Union nga nagabasura sa mga paltik nga kaso sang *murder* kag terorismo kontra sa akon. May ara bala nga sa husto nga isip nga magsiling nagapanamit ako pareho sang sobra nga pagpanamit sang mga nagabato



kag nagakontra sa akon?

Makapat-ud ka nga indi interesado ang rehimeng Aquino sa liwat nga pag-umpisa sang pormal nga sugilanon pangkalinungan sa tion nga gamiton sini ang taktika nga pagpauli sa akon kag sa NDFP *negotiating peace panel* para sa Pilipinas hiwaton ang sugilanon pangkalinungan. Ang amo nga taktika liw-as sa Joint Agreement on Safety and Immunity Guarantees nga nagatalana sang nyutral nga lugar sa ibang pungsod para sa negosasyon. Isa ini ka taktika para mapaidalom ang mga ara sa panel, konsultant kag istap sang NDFP sa pagpanilag sang militar kag sa ulihi maduguon nga pagtapna pareho sang natabo sang panahon ni Cory Aquino sadtong 1986 kag 1987.

Ang sugilanon pangkalinungan bisan sa kaumhan indi gid mabaton sa NDFP bangud nagakinahanglan sang daku nga pagpahulag sang pwersa sa magtimbang nga bahin kag bangud sa peligro sang pagpanabotahe sang sin-o man nga kontra sa sugilanon pangkalinungan kag bangud mangin bulnerable ang mga rebolusyonaryong pwersa sa paniktik gamit ang mga *drone*, GPS, pagmonitor sa elektronikong komunikasyon, *thermal heat sensing*, *night vision goggles* kag iban pang kagamitan. Nahibal-an gid sang NDFP ang tuyo sang militar sang GRP sa handum sini nga hiwaton ang sugilanon pangkalinungan sa Pilipinas.

**AB: Nagalaum ka bala nga matigayon sang PKP nga pasan-yugon ang pagpakig-away gerilya kag isulong ang inaway banwa halin sa halintang sang estratehikong depensiba pakadto sa halintang sang estratehikong pagkapatas sa masunod nga lima ka tuig sa idalom sang rehimeng**

**US-Aquino? Ano ang mahimo sang Partido kag rebolusyonaryong kahublagan sa idalom sang bag-o nga sitwasyon kag sa mga patag sang hilikuton nga kinahanglan sang partikular nga pagtum-ok?**

**JMS:** Tuman ka malahalón sa akon nga optimismo sa ano pa man nga bagay ang maathag nga pangpubliko nga mga pahayag sang Partido Komunista sang Pilipinas bahin sa mga kongkretong kundi-syon, rekisito pangpulitika kag estratehiya kag taktika sa plano nga padasigon ang pagpauswag sang pagpakig-away gerilya kag pagsulong halin sa estratehikong depensiba padulong sa estratehikong pagkapatas sa inaway banwa.




Gintumod sang PKP ang nagapadayon nga paglala sang sosyo-ekonomiko kag pangpulitika nga krisis sang lokal nga nagaharing sistema amo man sang pangkalibutanon nga sistemang kapitalista bilang pinaka-importante nga obhetibong kundisyon para sa pagpasulong sang inaway banwa. Ang masang anakbalhas sang mga mamumugon kag mangunguma kag ang nahanunga nga saray nagaantus sang pinakamalaut nga porma sang pagpanghimulos kag pagpa-

migos. Kag ang lapnagon nga diskuntento pangkatilingban nagaduso sang lain-lain nga porma sang daku nga pagbato sang pumuluyo.

Lakip sa mga rekisito pangpulitika ang pagpukaw, pag-organisa kag pagpahulag sa masa sandig sa pangkabilugan nga linya sang pungsodnon nga kahilwayan kag demokrasya paagi sa estratehikong linya sang inaway banwa. Ginasi-gahum ko nga may depinidong mga ideya ang PKP bahin sa pagpalapad sang lain-lain nga porma sang mga tago nga organisasyong masa sa mga prenteng gerilya kag sa kahublagang tago sa kasyudaran. Ginasi-gahum ko gihapon nga ginakalipay kag ginabuyok sini ang mga organisasyong masa kag iban pa nga progresibong pormasyon nga nakabase sa kasyudaran.

Sa nagligad nga mensahe sini sa anibersaryo sang BHB, nagapanawagan ang Komite Sentral sang PKP sa BHB nga pasingkion ang mga taktikal nga opensiba agud makaagaw sang madamo nga armas kag tukuron ang mas madamo nga yunit sang BHB kag dugang nga mga prenteng gerilya, nga tumbasan ang mga taktika nga anihilatibo sang mga taktikang atritibo agud labi nga paluyahon ang kaaway, hatagan-dalan ang pagtukod sang mga organo sang gahum pangpulitika kag mga organisasyong masa sa mga prenteng gerilya, hanason ang mga milisya sang banwa kag yunit sa pagdepensa-sa-kaugalingon bilang mga dugang nga pwersa kag suportahan ang paglunsar sang reporma sa duta kag iban pang kampanyang masa para sa benepisyo sang pumuluyo. Ang tanan nga ini nagapakita sang masanag nga palaabuton para sa rebolusyonaryong kahublagan sang pumuluyo.

**AB**



ANG

Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Ispesyal nga Isyu  
Hunyo 19, 2010  
[www.philippinerevolution.net](http://www.philippinerevolution.net)

# Mga halambalanon subong kag ginaatubang angut sa rehimeng Aquino

*Interbyu kay Prof. Jose Maria Sison,  
Tagapundar nga Tagapangulo sang Partido  
Komunista sang Pilipinas kag  
Puno nga Konsultant Pangpulitika  
sang National Democratic Front*

**Ang Bayan (AB):** Pwede mo bala malaragway sang malip-ot ang nangin kondukta kag resulta sang nagligad nga reaksyunaryong eleksyon? Paano mo ilaragway ang pagdaug ni Benigno Aquino III sa eleksyon? Ano ang papel nga gintungdan sang imperyalistang US kag iban pang yabi nga pwersa kag paano sini maapektuhan ang magabulos nga rehimeng Aquino?

**Jose Ma. Sison (JMS):** Sa kabilugan, nangibabaw sa eleksyon 2010 ang mga lider pangpulitika, kandidato, partido kag koalisyon sang mga lokal nga nagapanghimulos nga sahing daku nga kumprador kag agalon nga mayduta. May direktang kontrol ang US sa *automated electoral system* kag ginsiguro sini nga mapilian si Noy-noy Aquino paagi sa *electronic pre-programming*. Naghatag ang pinakadaku nga Amerikano kag lokal nga negosyante sa Makati Business Club sang higante nga pondo pangkampanya para sa iya. Bunga sini, magaserbi ang rehimeng Aquino sa interes sang US kag mga lokal nga daku nga kumprador-agalon nga mayduta imbes sa interes sang pumuluyong Pilipino.

**AB:** Ano sa lantaw mo ang mangin pangunahon nga pagkatuhay sang magapungko nga rehimeng Aquino kag sang nagapaguwa nga rehimeng Arroyo? Ano ang magkapareho? Ano sa lantaw mo ang magatampok sa masunod nga anum ka tuig sa idalum sang rehimeng Aquino?

**JMS:** Sa umpisa, pagatilawan sang rehimeng Aquino nga tuhayon ang hitsura sini sa rehimeng Arroyo kag magpostura ini paagi sa tuso nga propaganda sa burges nga midya sa Pilipinas, US kag kalibutan nga



ini mas demokratiko sangsa ginsundan nga rehimen. Pero sa esensya mangin tagapadayon lang ini sang rehimeng Arroyo sa halambalanon sang pag-ikog-ikog sa pang-ekonomya nga polisiyang neoliberal nga globalisasyon sang US kag sa polisiya nga ginatawag nga anti-terorismo kag *counterinsurgency* sang US, nga ginasaad sang Counterinsurgency Guide kag nagakumbinar sang interbensyon militar sang US kag terorismo sang estado.

Pareho sang rehimeng Arroyo, ang rehimeng Aquino nakatakda nga mangin papet nga rehimen sang US, korap kag mapintas. Sa masunod nga anum ka tuig, magagrabang ang sosyo-ekonomiko nga pag-antus sang pumuluyo. Ang mga reaksyunaryo mismo labi nga magkapihak-pihak batuk sa isa kag isa. Labing mangin malala kag sistematiko ang mga paglapas sa tawhanong kinamatarung. Magadugang pa ang pagpami-

## Mga instruksyon sa paglilimbag

**1.** Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

**2.** Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

**3.** Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa [angbayan@yahoo.com](mailto:angbayan@yahoo.com)